



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 43. Sriptores A catholici hoc anno mortui coprum opera.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Sæc. XVIII. manibus exhibebant &c. Decessit die
 A. C. 1729. 15. Nov. Neapolis nonnisi quadraginta
 septem annos natus.

§. XLIII.

*Scriptores Acatholici hoc anno mor-
 tui, eorumque opera.*

Non desunt ex Protestantibus hoc
 anno denati, qui suis lucubrati-
 onibus sese de Republica literaria bene
 meritos reddiderunt. Hos inter præ-
 cipue inclaruit Samuel Clarcke, qui
 scripsit de Baptismo, Confirmatione
 & pœnitentia, observationes in librum,
 cui titulus: *Amyntor*, dilucidationes
 in quatuor Evangelistas, tractatum de
 existentia & attributis Divinis, episto-
 lam ad Dodwelum de immortalitate
 animæ, vindicias hujus epistolæ, Julii
 Cæsaris opera notis illustrata, & do-
 ctrinam S. Scripturæ de Trinitate,
 cum autem in hoc libro Arianismo fa-
 visse argueretur, in sui defensionem
 plures edidit vindicias, quibus tamen
 maculam contexit, non autem abster-
 sit. II. Abel Boyer, qui diarium e-
 didit de statu politico Britannicæ, nec
 non vitam Guilielmi III. Angliæ Regis
 aliaque non pauca. III. Joannes Fran-
 ciscus Budæus, qui Orbi literario re-
 liquit Institutiones Theologico-dog-
 mati-

maticas, Isagogen Historico - Theologicam, Historiam Ecclesiasticam V. T. Sæc. XVIII.
A. C. 1729.
 Institutiones Theologiæ moralis, selecta juris naturæ & gentium, analecta Historiæ philosophiæ, introductionem ad Historiam Philosophiæ Ebræorum, Parergon Historico - Theologicam, tractatum de concordia Religionis Christianæ, statusque civilis, theses de atheismo & superstitione, Miscellanea Sacra, Abarbanelis dissertationes de Principatu Abimelechi, Ecclesiam Apostolicam, epistolam apologeticam pro Ecclesia Lutherana contra Javorsckium, & plures dissertationes, aliaque nonnulla. IV. Simon Hahn, qui profectus est Chronicon Bergense Meibomii & elucubravit Jus imperii in Florentiam, necnon collectionem monumentorum veterum & recentium ineditorum, dissertationem de Regno Arelateni, & diploma Imperatoris Ottonis M. illustratum. V. Ludovicus Fischlin, qui publici juris fecit Theatrum mysterii *Αποκατάστασις πάντων* denudatum, & destructum, Memoriam Theologorum Würtenbergensium unacum supplementis. VI. Joannes Fabritius, qui vulgavit Considerationes variarum controversiarum, enodatam quæstionem, an inter Religionem A. C. & Catholicam non sit essentielle discrimen,
 M 5 &

Sæc. XVIII.

A. C. 1729.

& utrum tam in hac quam illa quis salvari queat, quam quæstionem cum affirmando solveret, pro Syncretismo habebatur. VII. Nicolaus Hieronymus Gundling, qui præter plures dissertationes Academicas ad prælum promovit suam viam ad veritatem rationalem & moralem, Historiam philosophiæ moralis apud Orientales, otia Gundlingiana &c. VIII. Gottlieb Wernsdort, qui posteritati reliquit præter dissertationes sat eruditas commentationem de indifferentismo religionum. IX. Fridericus Lampe, e cujus calamo profluxit tractatus de cymbalis, alius de mystica miraculorum Christi interpretatione, commentarius in Joannem, præter ejus dissertationes Philologicas, orationes & programmata in duo volumina Amstelredamensibus literis Anno 1737. excusa. X. Henricus Gebhard, qui edidit commentarios in XII. Prophetas minores, in epist. Judæ, in Apocalypsin Joannis & alia quamplurima. XI. Joannes Funck, qui scripsit Historiam reformationis, & Conf. Augustanæ, dissert. de tempore nativitatis Christi & de pulchri natura. XII. Joannes Engelbrecht, qui vulgavit tractatum de veteris & necessariis Philosophiæ moralis adminiculis, de præsumptione pro Clero præter alia nonnulla.

§. LXIV.